

B. N. C.
FIRENZE
1058
23

1058123



6

XXXIV
1897



REGIÆ CELSITUDINI
SERENISSIMI
IO: GASTONIS
MAGNI ETRURIÆ PRINCIPIS
Se, suasque Theologicas Theses

IUXTA MENTEM SS. ECCLESIE LUMINUM


AUGUSTINI ET THOMÆ

Publicè propugnandas

*PATRES AUGUSTINIANI EXCALCEATI
CONVENTUS FLORENTIÆ*

In perenne Animi Obsequium.

D. D. D.



FLORENTIÆ. MDCC.XX.

Ex Typographia Iosephi Manni sub Signo Sancti Ioannis Dei.

SUPERIORUM PERMISSU.

111824

111824

111824

111824

111824

111824

111824

111824

111824

111824

111824



AD EUNDEM
SERENISSIMUM
PRINCIPEM

ELEGIA.



MÆCENAS Ducibus sex Magnis edite
Tuscis
GASTON, dulce decus, præsidiumque valens!
Sunt quos, ingenuos animos ut Principis Alti
Devinxisse sibi, promeruisse queant,
Quos

4
 Quos iuvat, assiduas alternis ipsius aures,
 Vocis nunc modulis, nunc recreare chelys;
 Egregio cordi, vel quos, solatia digna,
 Et placidis oculis exhibuisse, iuvat:
 In sabulo alipedes modò gressibus experiendo
 Lentis, aut rapidis, colla domante manu;
 Obtusos enses modò, fraxineasque vibrando
 Hastas in pectus pervigil, at socium.
 Nos autem, MEDICES præcordia novimus ampla
 Qui melius, sapiens ingeniumque Tui,
 Novimus insignem Te implentem questubus aulam:
 Heù Sophiæ studiis rara palæstra calet!
 Ærea Te pigris calcaria, sollicitisque
 Aurea, Virtutis quo applicuisse lucro.
 Nos, inquam, satiùs iuvat his diversa sacratæ
 Palladis in circo prælia suscipere;
 Sanctiùs, atque pio nisu exercere Minervam,
 Sic Tibi, sic detur posse placere Deo.
 Mentis, non vocis vis est aptanda, manusve,
 Mentis, cui Fidei luxerit alma dies.
 Docta magis placuere Tibi certamina semper,
 A queis Virtutis præmia Victor habet,
 Ipsam Virtutem pretioso munere quovis
 Maiorem, quavis laude decus melius.
 Accipe nostra, quasi sint grandia munera, Princeps,
 Nuda etsi Virtus Cui tamèn ipsa placet.
 Si aspectu suavi dignaberis, utque secundò,
 Hæc censebuntur gratificata fatis.





DE VISIONE DEI.



I. **N**ULLUS Intellectus creatus ex viribus propriis potest clarè, & intuitivè videre Deum, sed ad hoc est necessarium lumen gloriæ.

II. Oculus corporeus non potest elevari ad claram Dei visionem.

III. Non solum non datur, sed nec est possibilis species impressa creata in visione beatifica, quæ Deum ut est in se clarè, & intuitivè repræsentet.

IV. Licet essentia divina possit uniri intellectui creato per modum speciei intelligibilis, non tamen in ratione luminis. Sicut intellectus creatus non potest reddi intrinsecè potens ad videndum Deum per solam eius assistentiam extrinsecam, sed ad hoc necessarium est lumen gloriæ per modum habitus, vel auxilii communicatum.

V. Intellectus creatus lumine gloriæ perfusus producit effi-
cienter visionem beatificam ut vera causa secunda principalis, &
non ut merum instrumentum Dei.

VI. Visiones hominum, & Angelorum, non differunt inter se specie essentiali.

VII. Tota inæqualitas Visionis est proximè reducenda in solam luminis gloriæ inæqualitatem, nullatenus verò in naturalem intellectus creati perspicaciam, & activitatem.

VIII. Beati non solum non comprehendunt, sed nec etiam comprehendere possunt Deum. Ità tamèn vident omnia, quæ sunt formalitèr in Deo, ut repugnet videri à Beatis divinam essentiam sine attributis, & personis.

DE SCIENTIA DEI.

I. **O**bjectum primum motivum divini intellectus est sola divina essentia; terminativum autem primum sunt omnia divina.

II. Ità Deus cognoscit creaturas in essentia sua tamquam in causa, & medio priùs cognito, ut repugnet dari in Deo cognitionem creaturarum possibilium immediatè in se ipsis.

III. Creaturas verò futuras non cognoscit Deus certò, & infallibilitèr, pro priori ad suum decretum, sed solùm in decreto, & prædefinitione suæ voluntatis, seù in essentia sua, ut applicata per decretum.

IV. Futura contingentia absoluta sunt Deo ab æterno præsentia, non solùm obiectivè, sed etiam realitèr, & physicè ratione suæ æternitatis.

V. Dantur in Deo decreta subiectivè absoluta, & obiectivè conditionata; undè scientia media reiicitur.

DE VOLUNTATE DEI

I. **D**eus nullo modo amat creaturas possibiles.

II. Actus liber Dei est ipse actus necessarius, ut dicens habitudinem non necessariam ad creaturas.

III. Deus voluntate antecedenti, etiam post Adæ lapsum, vult omnes homines salvos fieri; quæ voluntas est in Deo propriè, & non metaphoricè.

IV. Circà nostros actus liberos Deus habet decreta ex se, & ab intrinseco efficacia.

DE PRÆDESTINATIONE ET REPROBATIONE.

I. **E**lectio efficax prædestinatorum ad gloriam non fit ex prævisis meritis.

II. Glorificatio, iustificatio, & quæcumque efficax vocatio sunt effectus prædestinationis; sicuti substantiam prædestinati, & permissionem peccati etiam inter prædestinationis effectus numeramus.

III. Reprobatio ut dicit voluntatem puniendi, & insigendi pœnam, non est ante prævisa demerita, sed ab illis, tamquam à motivo, dependet.



DE SS. TRINITATIS MYSTERO.

I. **D**antur in Deo processiones, quarum principium radicale est divina essentia ut modificata relatione, loquendo de principio quo; sicuti proximum utriusque processionis principium est intellectus, ut modificatus relatione paternitatis in ordine ad processionem Verbi, & voluntas ut modificata relatione spirationis activæ in ordine ad processionem Spiritus Sancti. Principium verò, quod respectu generationis Filii est suppositum Patris, respectu productionis Spiritus Sancti suppositum Patris, & Filii.

II. Ratio proxima, & immediata cur processio Verbi sit generatio, non autem processio Spiritus Sancti, est, quia Verbum procedit in similitudinem naturæ ex vi suæ processionis, secus verò Spiritus Sanctus.

III. Benè salvatur distinctio realis personarum cum perfecta illarum identitate in essentia divina.

IV. Relationes divinæ non addunt perfectionem relativam ad divinam essentiam.

V. Non dantur in divinis tres existentie relativæ realiter inter se distinctæ; subsistentia tamen si accipiat pro perfectate incommunicabilitatis multiplicatur realiter, si accipiat pro perfectate independentiæ non multiplicatur in divinis.

VI. Verbum divinum per se in quarto modo non solum procedit ex cognitione essentiae, & paternitatis, sed etiam sui, Spiritus Sancti, & omnium divinorum, immò & creaturarum possibilem, secus verò ex cognitione futurorum.

VII. Si Spiritus Sanctus non procederet à Filio, non distingueretur realiter ab illo.

VIII. Personæ divine constituuntur per relationes; undè persona Patris v. g. optime constituitur per relationem paternitatis, & per illam distinguitur à Filio, & per illam ad Filium refertur.

DE GRATIA.

I. **H**omo lapsus cum solo concursu generali, & absque speciali gratia aliquas veritates naturales tum specularivas, tum

tum practicas potest cognoscere , immò & omnes divisivè , non tamèn collectivè .

II. Absurdum est dicere nullum opus morale honestum fieri posse sine gratia sanctificante , ità ut quæcumque fiunt à peccatoribus ante adeptam iustificationem sint peccata . Sicuti falsum est dicere , quod omnia opera infidelium sint peccata ; undè homo lapsus sine auxilio speciali , & cum solo concursu generali Dei ; potest aliqua opera honesta , & moralitè bona ordinis naturalis efficere .

III. Homo in statu naturæ lapsæ non potest viribus liberi arbitrii Deum ut authorem naturæ dilectione efficaci super omnia diligere . Sicuti non potest totam legem naturæ observare sine speciali gratia .

IV. Ad nunquàm peccandum venialitè requiritur speciale privilegium , quod soli Beatissimæ Mariæ Virgini fuit concessum .

V. Ad actû perseverandum in iustitia usque ad mortem , præter gratiam habitualement , & auxilia ei annexa ex communi lege , requiritur aliud donum speciale ; quod extendimus tum ad adultos , qui statim post acceptam gratiam sanctificantem moriuntur , tum ad parvulos baptizatos decedentes ante usum rationis .

VI. Gratia sanctificans realitè distinguitur à charitate .

DE IUSTIFICATIONE ET MERITO.

I. **I**n iustificatione verè , & propriè remittuntur peccata , & non solum ipsa Christi Domini iustitia tamquàm pallio teguntur , aut occultantur .

II. Actus contritionis , & charitatis non sunt causa formalis iustificationis , sed id soli gratiæ habituali competit .

III. Repugnat gratiam sanctificantem , & peccatum tum habituale , tum actuale posse esse simul , etiam de potentia Dei absoluta .

IV. Actus contritionis , & charitatis ; qui ad gratiam ultimò disponunt , sunt effectivè ab ipsa gratia habituali , non verò ab aliquo auxilio ab ea realitè distincto .

V. Retributio præmii pro meritis in Deo est actus iustitiæ , non commutativè , sed distributivè .

VI. Opera iustorum ex gratia , & charitate procedentia sunt verè , & propriè ab intrinseco meritoria vitæ æternæ . VII.

VII. Nullus potest de condigno mereri primam gratiam sanctificantem, bene tamen eius augmentum.

VIII. Homo iustus non potest mereri sibi reparationem post lapsum merito de condigno, neque de congruo, si meritum de congruo strictè, & propriè accipiatur, bene tamen si largè, & minus propriè usurpetur.

DE FIDE SPE ET CHARITATE.

I. **O**bjectum formale quod Fidei est Deus sub ratione primæ veritatis in essendo; obiectum vero formale, sub quo est prima veritas in dicendo, ut connotans primam veritatem in cognoscendo.

II. Ultima Fidei nostræ resolutio quoad propositionem, & revelationem credendorum fit in solam Ecclesiam a Spiritu Sancto directam, qua velut organo fidelibus loquitur, & credenda proponit, & revelat; at ultima resolutio quoad assensum, quem fidelis præbet Deo sua mysteria revelanti, fit solum in primam veritatem, & non in Ecclesiæ testimonium.

III. Deus etiam de potentia sua absoluta, nec per se, nec per alium mentiri potest.

IV. Mysteria Fidei Christianæ sunt evidentè credibilia.

V. Scriptura, Traditiones, & Ecclesia sunt regulæ infallibiles nostræ Fidei; sicuti etiam Romanus Pontifex ex Cathedra loquens, & Concilium Generale legitimè congregatum, est infallibilis regula viva ipsius Fidei.

VI. Suprema potestas regendi universalem Ecclesiam soli singulari personæ Petri a Christo fuit concessa, quæ ad legitimos successores eius Romanos Episcopos fuit transfusa; undè Paulus æqualem cum Petro potestatem in Ecclesia non habuit.

VII. Facta legitima electione, de Fide est, etiam immediatè, hunc hominem in particulari, v. g. Clementem XI. esse verum Papam, non solum ab eo tempore, quo aliquid de Fide determinavit, & Ecclesiæ credendum proposuit, sed etiam ab illo, quo eius electionem fuisse validam declaravit Ecclesia.

VIII. Ad actum internum Fidei requiritur pia motio voluntatis.

IX. Actus internus Fidei supernaturalis est omnibus adultis simpliciter necessarius, necessitate mediæ, ad salutem, ita ut sine illo in re habito iustificari, & salvari non possint, secundum legem ordinariam.

X. An-

X. Ante Christi adventum, seu in lege naturæ, & in lege scripta, fides explicita ipsius Christi, ut Redemptoris, & Mediatoris venturi non fuit necessaria, necessitate mediæ, ad salutem; post tamèn sufficientem legis Evangelicæ promulgationem talis fides explicita Incarnationis, & etiam Trinitatis, necessaria est necessitate mediæ, tum ad iustificationem, tum ad æternam beatitudinem.

XI. Præceptum affirmativum de Fide exterius profitenda non obligat fideles, data quavis occasione, sed tantum in quibusdam casibus; undè per se loquendo licitum est etiam Pastoribus, & Prælatibus fugerè, vel se occultare tempore persecutionis. Præceptum verò negativum de Fide non neganda obligat semper, & pro semper: undè homo gravitèr peccat, si exterius neget Fidem quamvis eam in corde retineat.

XII. Obiectum formale quod Spei Theologicæ est beatitudo obiectiva connotans tanquam modum, aut conditionem requisitam beatitudinem formalem; ratio autèm formalis sub qua est divina omnipotentia, sive Deus ut auxilians.

XIII. Si Deus alicui revelaret suam æternam damnationem, non posset ille talis beatitudinem sperare; undè præceptum Spei Theologicæ ad ipsum non se extenderet.

XIV. Charitas est verè, & propriè amicitia hominis ad Deum; cuius obiectum formale motivum est bonitas solus naturæ divinæ, ut ab attributis virtualitèr distinctæ.

XV. Charitas ut se extendit ad Deum, & ad proximum, est virtus unius speciei atomæ.

XVI. Charitas habitualis, quandiu sumus in statu viæ, augeri potest, cuius augmentum, licèt ab actibus charitatis remissis de condigno promereatur, non datur tamèn in hac vita quandò homo æqualem, vel intensiorem actum charitatis elicit, sed differitur usque ad ingressum gloriæ.

DE INCARNATIONE.

I. POSSIBILIS est Incarnatio, quæ tamèn solo lumine naturali non potest evidentèr demonstrari, aut cognosci.

II. Pura creatura, quantumcumque gratia exornata, nequit pro suo, vel alieno peccato mortali condignam Deo exhibere satisfactionem; sed ad hoc necessarium fuit Deum incarnari.

III. Christi satisfactio ex sua intrinseca dignitate fuit condigna,

gna, & æquivalens, immò superabundans pro peccato generis humani; sicuti etiam fuit valoris simpliciter infiniti, & de toto rigore iustitiæ.

IV. Ex vi præsentis decreti si Adam non peccasset, Verbum carnem non assumpsisset.

V. Inter Verbum, & humanitatem non datur modus unionis superadditus.

VI. Ratio formalis, & proxima, per quam Verbum divinum terminavit humanitatem, non est subsistentia absoluta, & communis, sed personalitas, seu subsistentia relativa, & personalis.

VII. Verbum divinum non solum subsistentiam, sed etiam existentiam in humanitate Christi supplevit; sicuti etiam dicimus, quod Deus, ut communis tribus personis, ratione subsistentiæ absolutæ potest alienam naturam assumere, & illi immediatè uniri, subsistentiis relativis eam solum secundariò terminantibus.

VIII. Plures personæ divinæ possunt assumere eandem naturam creatam, sicuti una persona divina potest simul plures naturas creatas assumere.

IX. Natura creata subsistens in propria persona, & propria personalitate retenta, non potest uniri personæ divinæ, & per illius subsistentiam subsistere.

X. Humanitas Christi Domini est grata, & sancta formalitèr per aliquod donum substantiale a gratia habituali distinctum, nimirum per gratiam unionis; præter tamèn istam gratiam unionis datur in anima Christi gratia habitualis, quæ in ipsa anima Christi fuit necessaria ad completam, & consummatam illius sanctificationem.

XI. In anima Christi Domini fuerunt omnes virtutes supernaturales, & per se infusæ, exceptis illis, quæ cum statu beatifico, & cum unionem humanitatis ad Verbum repugnant. Sicuti etiam fuerunt in illa virtutes naturales, & per se acquisibiles, ita tamèn quod istæ virtutes morales per se acquisibiles fuerunt Christo a primo instanti suæ conceptionis infusæ.

XII. Ponenda est in Christo Domino scientia ex genere suo acquisibilis, qui tamèn dictam scientiam per se acquisibilem propriis actibus sibi comparavit.

XIII. Christus ut homo Filius Dei adoptivus non est.




Disputabuntur publicè
In Eccl. SS. Augustini, & Christinæ
Florentiæ

AB IISDEM PATRIBUS, UT SUPRA,

AN.

MENSE

DIE





C

4/6



